

Na caminda pa di cuater decada
**CUERPO POLICIAL
ARUBA TA CELEBRA
39 ANIVERSARIO**



WWW.SOLODIPUEBLO.COM



SOLODIPUEBLO@GMAIL.COM

PRESUPUESTO SUPLETORIO CU MAS DI 400 PREGUNTA SIN CONTESTA



MIKE DE MEZA ALIAS “THE PUPPETEER”



POLIS Y AMBULANS A BAY CATIRI PA UN CASO DI MALTRATO DI PAREHA, E GOLPI TABATA DEN CARA!



KAJ ROZEBOOM TA LOGRA E PROME MEDAYA PA #TEAMARU NA ASU2025



**TRABOU DI MANTENCION
DEN TRANSFORMATORHUIZEN
NA SANTA CRUZ**
Interupcion di Coriente Planea

En conexion cu trabounan necesario pa mantene
un suministro di coriente confiabel,
e servicio di coriente lo wordo interumpi:

**Diamars, 19 di augustus 2025
8:30 AM te cu 3:30 PM**

Den vecindario di:

- Santa Cruz (un parti)
- MFA Santa Cruz
- KPA
- EPB Santa Cruz

N.V. ELMAR ta pidi disculpa pa e inconveniencia cu e
interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



ELMAR

REGISTRA AWOR PA E ELECCION DI TWEEDE KAMER DIA 29 DI OCTOBER 2025

Oranjestad - Pa por bin na remarca pa vota den e proximo eleccion di Tweede Kamer na Aruba, Curaçao, y Sint Maarten, bo por registra awor te cu 17 di september 2025. Representacion di Hulanda lo sirbi como briefstembureau di 22 pa 29 di october. Bo por deposita bo voto eynan entrante 22 di october, basta bo a registra na tempo.

Vota na Aruba, Curaçao of Sint Maarten – con e ta funciona? E Representacion di Hulanda den e tres paisnan lo sirbi como briefstembureau. Ta transforma e oficina temporalmente como un stembureau, cu tur regulacion di privacidad y seguridad na su luga. Aki ta unda e votonan lo wordo colecta, controla, conta y despues publica.

A biba na Hulanda pa por lo menos 10 año? Bo por vota! Ken por vota pafo di Hulanda? Tur hende cu a biba na Hulanda por lo menos 10 año por registra pa vota pa miembran di Tweede Kamer. Ciudadanonan Hulandes Europeo cu (recientemente) a muda pa Aruba, Curaçao of Sint Maarten tambe mester inscribi pa vota for di exterior.

Empleadonan di Servicio Publico Hulandes

Empleadonan di Servicio Publico Hulandes den exterior tambe por registra pa vota inclui nan casa, pareha, mayor of voogd cu ta biba na e mesun adres.

Inscribi te cu 17 di september Registracion ta habri te cu dia 17 di september 2025, via e pagina di Inscripcion pa residentenan di Aruba, Curaçao, y Sint Maarten. Yena e formulario, download e documentonan necesario, y bo lo ricibi un confirmacion di bo registracion via e-mail. Bo a inscribi caba pa vota den eleccionnan anterior? Despues sigui e instruccionnan cu bo ta ricibi via e-mail for di Stembureau di Den Haag.

Busca un briefstembewijs Votadornan registra pafo di Hulanda lo ricibi un briefstembewijs pa por vota via post na Representacion di Hulanda. Prome cu dia di eleccion, bo por busca bo briefstembewijs, un envelop di regreso oranje y un envelop di carchi di vota blanco cerca Representacion di Hulanda. Ta anticipa cu esaki lo ta posibel entrante 1 di october. Por busca e briefstembewijs tambe ora e votado bin vota.

Vota entre 22 y 29 di october 2025



Den Haag

Stemt u 29 oktober voor de Tweede Kamer?

Registreer u uiterlijk **17 september** als kiezer buiten Nederland
→ stemmenvanuithetbuitenland.nl

Meer informatie ontvangt u van de medewerker van de Vertegenwoordiging

Aruba: Oranjestad
Curaçao: Willemstad
Sint Maarten: Philipsburg

Por busca briefstembewijs cerca Representacion di Hulanda entrante 1 di october. For di e momento ey, bo por vota via post. Ta mas facil pa bishita Representacion di Hulanda personalmente pa


vota entre 22 y 29 di october, of bo por autorisa un hende pa vota na bo nomber di antemano. Por haya tur e reglanan na www.stemmenvanuithetbuitenland.nl.



Clasificados

SOLODIPUEBLO@GMAIL.COM
CEL. 585 9500

SOLO Di Pueblo



Ministro encarga cu Turismo y Salubridad ta anuncia cu entrante **20 augustus 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **slijtvergunning** pa e parcela na **Tanki Leendert 87-A**. E permiso aki ta concerni e.o. benta di bebida sterki y zwak por detal y pa consumi unicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediacion di Director di Departamento di Legislacion y Asunto Huridico, Schotlandstraat 53.

Parlamentario Rocco Tjon:

**PRESUPUESTO SUPLETORIO CU MAS DI
400 PREGUNTA SIN CONTESTA**



Coalicion ta faya
barbaramente na
transparencia. Si bo no tin
nada pa sconde, dicon bo
tin miedo pa contesta?

Diaranson awo Parlamento
lo trata presupuesto
supletorio, apesar cu
mas di 400 pregunta di
MEP a keda sin ningun
respuesta. Esaki ta un falta
di respet, no solamente
pa Parlamento, pero pa
pueblo henter.

Tur hende tin derecho pa
sa con gobierno ta gasta
placa di pueblo y kico nan
ta haci realmente la atende
cu diferente reto.

Responsabilidad politico
ta cay directamente riba e
dos lidernan di coalicion:
Gerlien Croes (FUTURO)
y Mike Eman (AVP). Nan
no a muestra capacidad
ni boluntad pa duna e
informacion cu mester, y
asina nan ta perhudica e
proseso democratico.

Unpresupuestosincontesta
riba preguntanan haci
door di Parlamento, no ta
un gobierno transparente
y responsabel, pero mas
bien un bofta den cara
di parlamento y di e
ciudadanonan.



THE CASINO AT
ST REGIS
ARUBA

Exquisite Bingo

Every Saturday and Sunday at 8:30 AM. Casino doors open
at 7:30 AM. Buy-in: \$20. Buy 2 bingo games, get the 3rd
on us. Limited capacity available.

Bingo pre-sale: Every Friday and Saturday from
3:00 PM - 8:00 PM.

\$5,000 in total prizes


Game 1 \$150	Game 7 \$1,000
Game 2 \$150	Game 8 (51 calls
Game 3 \$200	& up) \$2,000
Game 4 \$300	Within 50 calls,
Game 5 \$500	Progressive
Game 6 \$700	Jackpot

Attractive Progressive Jackpot

For more information, visit the Casino VIP Desk or
call us at +297 281-2374

The Casino at St. Regis Aruba reserves the right to modify or cancel this
promotion at any time. Must be over the age of 18 years.
The Casino at St. Regis Aruba encourages responsible gaming.

KAJ ROZEBOOM TA LOGRA E PROME MEDAYA PA #TEAMARU NA ASU2025




Awe durante e di 3 dia di competencia pa e deporte di Windsurf Olimpico iQFoil, e division masculino a logra di haci 3 regatta, danki na e biento cu tabata bon suficiente pa logra esaki. Aki a cuminsa un bataya fuerte unda Kaj a mira cu su contricante di Merca ta keda cerca y a crea un tremendo paar di regatta entre nan dos,

unda cu na final di 5 regatta total, nos atleta di #TEAMARU ta logra termina cu e medaya di plata pa Aruba pa un diferencia minimo di 4 punto total. Kaj mes ta duna di conoce di ta contento cu e logro aki, unda cu apenas 18 aña di edad e



ta logra su prome medaya Panamericano. Na mesun momento e ta indica di no ta satisfescho y ta cla pa sigui entrena pa asina mehora como atleta di Vela y logra mas resultado pa Aruba. COA ta felicita Kaj cu e tremendo logro aki y pone Aruba riba e podium aki na ASU2025. #TEAMARU

CAMINDA MUHA Y CHAUFFEUR A PERDE CONTROL BAY DAL BANDA DI PASAHERO RIBA PALO DI LUS Y LAG'E HERIDA



Dialuna madrug a drenta informe di un accidente cu hende herida dilanti Grand Ocean na Madiki, mesora a dirigi tanto polis como ambulans na e sitio.

Na yegada di e patruya a bin compronde cu pa e tiki fingi di e yobida e auto Hyundai Accent a slip perde control bay dal na e banda drechi riba un palo di lus herida di asina e pasahero den e auto na banda drechi a resulta herida.



Na yegada di e ambulans transporte pa hospital. nan a atende e victima y a

Parlamentario Edgard Vrolijk: MIKE DE MEZA ALIAS “THE PUPPETEER”

For di bon fuente nos por a compronde cu ta tene reunionnan cu comisarionan di Utilities y RDA na cas di sr. Mike de Meza den Colony. Esaki ta e motibo dicon su menasa slap di bira independiente a caba. E mesun bon fuente aki ta bisa cu Mike de Meza a declara cu coalicion AVP-FUTURO a bay di acuerdo pa e por tin poder total den gobierno y den coalicion, basta cu Gobierno AVP-FUTURO por keda conta cu su sosten y di San Nicolas. Si esaki enberdad ta e caso, e ta un berguensa pa nos sistema politico di Trias Politica y alabes un confirmacion cu tanto sr. Rene Herde como Minister y e coalicion AVP-FUTURO a entrega nan mes na Mike de Meza como nan “Puppeteer” unda Mike de Meza ta dirigi e parlamentarionan di coalicion AVP/ FUTURO y ministernan di FUTURO na su kier.

Berguensa pa FUTURO pa acepta sr. Mike de Meza como nan “Puppeteer”

E ta un berguensa pa FUTURO cu tabata un partido cu a sali y priminti pueblo un politica nobo. Un politica unda entre otro lo bin solicitud habri pa funcionnan pa por traha cu Ministernan y esaki a resulta den un fiasco total. Nan tabata papia di ‘bon gobernacion’ y ‘democracia fuerte’, pero na final loke pueblo a haya ta un partido cu a demonstra di ta un verlengstuk di AVP, unda cu mi lo cuminsa yama

FUTURO mas dilanti como AVP 2.0. Un Partido cu ta aproba tur cos cu ta contra di regla, basta cu nan por keda na poder. A permiti pa hendenan cu antecedentenan penal tin posicionnan clave, unda ta ser bisa cu lo ta cobrando rond 15.000 florin pa luna, otro cu a ser hiba dilanti pa posibel practica di pornografia y asina por sigui menciona un cantidad di candidatonan y ex candidatonan cu titulonan traha cu ta cobra rond 15.000 florin sin a solicita y sin ta biba mes na Aruba ta djodjo cu placa di pueblo.

Pero awo AVP 2.0 lidera pa Geoffrey Wever, cu semper a papia di respeta democracia y nos constitucion, ta muestra un cara totalmente diferente. E y su partido a duna entrada na un Parlamentario cu no a pasa screening pa bira Minister y cu mes screening a pone bira sospechoso. A pesar di esaki, e ta tene reunion cu comisarionan di Utilities y RDA na su cas mes, y ta goberna for di su cas, usando Minister Rene ‘Baba’ Herde pa ehecuta su plannan. Y banda di esaki, tur hende sa cu sr. Mike de Meza ta e berdadero ‘puppeteer’ cu tin control total riba Ministernan y Parlamentarionan di FUTURO, mientras nan ta acepta esaki basta cu nan por keda sinta den nan stoelnan di Minister y Parlamentario.

Pa keda den Gobierno

hunto cu AVP, FUTURO tin di Guli manda abao y laga Mike de Meza ta nan “Puppeteer”

E Ministernan actual di FUTURO (AVP 2.0) y Parlamentarionan di FUTURO (AVP 2.0) lidera pa Gino Goeloe den Parlamento tin di keda bati man y sacudi cabes bisando “SI” na tur cos di AVP pa nan por keda den Gobierno. Durante formacion AVP a laga e dos lidernan di FUTURO hunga tof, pero awo cos a bolter pa tin Gobierno y e dos lidernan di FUTURO sra. Gerlien Croes y sr. Geoffrey Wever tin di guli manda abao. Pueblo por wak cada bes ken ta dirigi y dicta den coalicion. Awo di leu pueblo sa tambe cu e dos lidernan di FUTURO y parlamentarionan di AVP y FUTURO ta biniendo door di nan holo sterki di nan perfume yama “Jetfuel”. Unda pa por sigui biaha pa cualkier evento cu bin, mester keda den Gobierno ‘cueste lo que cueste’ y asina por purba kibra e record di sr Mike Eman di biahe y potret.

FUTURO a bira nada mas cu e verlengstuk di AVP y unda Mike Eman y Mike de Meza ta actua como nan “Puppeteer” y sigur sr Mike de Meza a sa di haci bon uzo di su experiencia pa maneha FUTURO na su antoho, paso e sa cu e dos lidernan di FUTURO ta sacrifica tur cos pa ta na poder. Pues hasta pa acepta p’un sospechoso como Parlamentario tin control total den Consejo



di Minister y Parlamento.

E desilusion grandi
Pues tur locual FUTURO a priminti di politica nobo, a termina den un show: biahe sin fin di nan lider Gerlien Croes alo Mike Eman den pasado, sacamento potret tur caminda y sin cuero di cara ta gaba cu proyecto di

otro of trabao di otronan.

Pueblo ta wak cla awo: FUTURO cu tur su show y promesa nobo, a entrega nan mes na sr. Mike de Meza, e ‘puppeteer’ cu tin den su man minister Rene Herde, e Consejo di Minister y coalicion den Parlamento.

Clasificados




SOLODIPUEBLO@GMAIL.COM

CEL.585 9500



OFICIALNAN DI E BRIGADA MOTORISA A DETENE PERSONA BUSCA PA JUSTICIA BANDA DI E HOTELNAN



Diadomingo madrugá durante un control e oficialnan di e brigada motorisa a nota un persona busca pa justicia, mesora cu tactica nan a acerc'e y a informe cu nan ta detene a base di cu e ta ser busca pa justicia. Nan a detene y a pidi vehiculo di transporte pa hib'e na warda di polis.



POLIS Y AMBULANS A BAY CATIRI PA UN CASO DI MALTRATO DI PAREHA, E GOLPI TABATA DEN CARA!



Diadomingo anochi a drenta informe di un caso di maltrato cu hende herida na Catiri, mesora a dirigi tanto polis como

ambulans na e sitio.

Na yegada di e patruya a bin compronde cu ta su mesun casa a dal e den su cara y a laga e cu hopi dolor.

Na yegada di e ambulans nan a atende e victima y a transporte pa hospital

ACCIDENTE CU HENDE HERIDA PA FALTA DI PREFERENCIA BANDA DI CARIBBEAN OVERSEAS



Dialuna mainta a drenta informe di un accidente cu hende herida riba crusada Italiëstraat cu Schotlandstraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia unda e chauffeur di un Hyundai Sonata biniendo for di Italiëstraat a subi caminda sin duna preferencia na un Toyota Agya biniendo di panort riba Schotlandstraat y nan a dal den otro. Debi na e impacto e dama chauffeur di e Agya a resulta herida. Na yegada di e ambulans nan a atende e victima.



Corte di Prome Instancia 28 augustus 2025

Horario	Sospechoso	Acto Castigabel
08.15	W.J.Q.A. M.P.V.F. V.J.V.L.	Uitspraak.
08.30	L.d.J.J.S.	S. ta wordo acusa di menaza riba 9 di december 2024.
09.10	R.J.C.	C. ta wordo acusa di a viola ley di droga riba 14 di september 2024.
09.30	J.V.J.T.	T. ta wordo acusa di maltrato riba 25 di augustus 2024.
10.00	J.J.R.T.	R.T. ta wordo acusa di a causa un accidente di trafico mortal riba 27 di oktober 2024.
13.30	G.G.P.	P. ta wordo acusa di ladroncia di un turista riba 15 di december 2024 y di menaza y maltrato riba 21 di november 2024.
14.25	D.R.T.P.	T.P. ta wordo acusa di maltrato di un familiar entre april 2025 y 23 di juni 2025.
15.00	A.C.J.	J. ta wordo acusa di maltrato riba 23 di januari 2024.
15.30	F.J.V.	V. ta wordo acusa di ladroncia riba 17 di januari 2025.

Corte di Prome Instancia 4 september 2025

Horario	Sospechoso	Acto Castigabel
11.00	R.G.A-S.	A-S. ta wordo acusa di maltrato cu un arma riba prome di juni 2025.
11.30	R.J.V.B.	B. ta wordo acusa di a viola ley di droga riba 9 december 2024.
13.30	J.M.H. I.E.D.	E sospechosonan ta wordo acusa di posesion di arma di candela y di a comete violencia den publico riba 22 september 2024. H. ta wordo acusa di maltrato pisa riba 21 di april 2024.

Corte di Prome Instancia 30 oktober 2025

Horario	Sospechoso	Acto Castigabel
08.30	A.J.I.M.	M. ta wordo acusa di importacion di marihuana riba 11 di februari 2024.
09.30	D.M.C.	C. ta wordo acusa di ladroncia y heling riba 8 juni 2024.
10.00	S.E.G.	G. ta wordo acusa di maltrato cu arma riba 6 di mei 2025.
11.00	C.F.L.M.	L.M. ta wordo acusa di a viola ley di droga riba 17 di aprì 2025.
11.00	S.A.R.H.	H. ta wordo acusa di maltrato cu arma y ladroncia riba 7 y 27 di april 2025.
11.00	R.E.W.	W. ta wordo acusa di heling riba 25 di maart 2025.
11.00	F.A.K. K.A.B.C. R.A.C.	E sospechosonan ta wordo acusa di a viola ley di droga d 16 di augustus 2022.

Cuerpo Policial di Aruba a celebra nan trintinuebe aniversario

PROME MINISTER MIKE EMAN: BAN APLAUDI NOS CUERPO POLICIAL PA BRINDA SIGURIDAD NA NOS ISLA



den e number di Scol di polis Arubano "Politie Opleidingsinstituut Edgar Joaquin (Watty) Vos" na San Nicolas, un simbolo di siguridad y husticia pa nos pueblo.

E aña aki Cuerpo Policial di Aruba ta celebra su di trintinuebe aniversario, pa cual diasabra mainta a tuma luga un San Francisco di Asis Pro-Cathedral. Prome Minister mr. Mike Eman hunto cu parlamentario Dennerich Kelly y funcionarionan di Cuerpo Policial, a asisti na un celebracion solemn pa gradici nos Creador y pidi bendicion pa nan trabao diario den mantene siguridad riba Aruba. Premier Eman den su discurso, ademas di a felicita Cuerpo Polcial di Aruba pa e trayectoria y sacrificio pa percura pa siguridad di pais Aruba, a recorda cu e fecha aki

ta mara na fecha natalicio di e estadista cual awe e celebracion su fundeshi ta basa riba dje.

Edgard Joaquin "Watty" Vos, naci na Oranjestad, Aruba, riba 16 di augustus 1937, ta un figura cu semper lo keda den historia di nos isla. Durante su bida Watty Vos a dedica su mes na servicio y husticia, y a crece como un lider cu un amor enorme pa e comunidad. E trabao di Watty Vos no tabata solamente pa yuda drecha un organisacion y haci esaki fuerte, sino tambe pa inspira generacionnan di polis, cu su integridad y liderazgo. Su legado ta biba te awe

E celebracion di Korps Politie Aruba su aniversario, ta recorda nos cu e fundeshi di nos institucion ta basa riba un hende cual ta Watty Vos: hende cu a pone comunidad prome, cu a traha cu dignidad, y cu a lanta un institucion cu nos por ta orguyoso di dje. Na ocasion di e aniversario di Korps Politie Aruba, nos ta honra e memoria di Edgar Joaquin "Watty" Vos, un homber cu su bida ta representa e balornan cu KPA ta sigui defende: entrega, husticia y servicio na comunidad.

Durante su discurso, Prome Minister Eman a



pidi tambe pa ta gradicido na cada miembro cu ta dedica y sacrifica pa sirbi nan pais dignamente. E no ta un carera facil, tin hopi reto pa surpasa pero hopi ta e miembronan cu ta bisti e uniform cu tur honor y respet, pa brinda siguridad na nos isla.

Ban sigui pidi Señor pa proteccion, sabiduria y balentia pa nos Cuerpo Policial di Aruba, pa nan por sigui defende nos estado di derecho, pa nos isla por continua di ta esun mas sigur den region y pa e comunidad por sinti nan mes sigur cada dia.

Na caminda pa di cuater decada

CUERPO POLICIAL ARUBA TA CELEBRA 39 ANIVERSARIO



Oranjestad, ARUBA: 16 augustus 2025 Cuerpo Policial Aruba ta celebra su 39 aniversario. Awe nos a celebra e gran dia aki cu un Santo Sacrificio cu a tuma lugar na misa San Fransico na Oranjestad. Den presencia di Prome Minister di Aruba mr. Mike Eman, altocomisario di polis drs. Ramon Arnhem, Staff, personal administrativo, agentenan policial conhuntamente

cu nos pensioenadonan a celebra e dia importante aki. Alabez tabata tin presencia di parlamentario Dennerich Kelly, sra. Tisa la Sorte di AHATA cu Sindicato di Polis, Directornan di diferente departamentonan cu tambe a atende e santo sacrificio. “ E ta yena mi cu orguyo awe cu nos cuerpo ta



celebra 39 aniversario. Esaki no ta bay sin esfuerzo di e ex-altocomisaronan conhuntamente cu tur personal cu a pone nan schouder na unda awe ami ta para riba dje. Nos a confronta durante 39 aña momentonan dificil pero tambe di alegria. 39 aña di hopi dedicacion, trabou duro pero cu determinacion pa Aruba ta un Pais sigur den Caribe tanto pa nos local- y bishitantenan. Nos lo sigui inverti den e desaroyo di nos coleganan, mas equipo, mas modernisacion di nos organisacion cu bista riba e futuro cu introduccion di tecnologia digital. Cu atencion pa nos agentenan policial nan bienestar pa garatisa un cuerpo saludabel. E trabou no a caba nos lo sigui enfoca pa eleva nos cuerpo pa e siguiente generacion” tabata palabranan di altocomisario Arnhem na e di 39 aniversario di KPA.

Despues di e santo sacrificio tabata tin un koffiemorgen pa asina por a pasa un tempo ameno

cu otro y recorda e bon momentonan cu otro. Awendia nos por conta cu mas o menos 530 personal trahando incansabelmente pa brinda seguridad na nos pueblo. Ta trata aki di hende homber y muhernan balente trahando den cuater distrito, cu ta warda di Polis Oranjestad, Noord, San Nicolas y Santa Cruz. Durante aña nos por conta cu diferente unidadnan special cu ta forma parti di nos organisacion manera: Unidad Motorisa, Unidad Canino, Team di Aresto, Mobiele Eenheid, Duik Team, Kust Surveillance, Maretiem, Drone Unit, Polis Uniforma, Team Unit Narcotica, Unit Georganiseerde Criminaliteit, Flex Team, Radarkamer, Infodesk, OCC Operation Commando Center y sin lubida e departamentonan conoci di recherche cu ta bon entrena y capacita pa investiga y soluciona casonan mas complica.

Durante aña Cuerpo Policial Aruba su nomber

ta wordo reconoci cu hopi respet internacionalmente entre otro manera DEA, FBI, RCMP, CEA, Force Protection Agency, ACCP y IACP. Tambe trahando den cooperacion estrecho cu Cuerpo di Polis di Reino Hulandes manera, Korps Politie Rotterdam, Rijmond, KLPD, RST, Korps Poltie Curacao, Korps Politie Caribisch Nederland, Korps Politie Sint Maarten tambe cu lasonan estrecho na Dubai, Uruguay, Merca, Salvador etc..

Comunidad por ta orguyoso di su Cuerpo Policial Aruba cu su 39 aña di crecimiento y lo sigui crece cu bista riba futuro y na caminda pa di cuater decada. Pabien na cada un colega policial, staff y personal administrativo cu ta haci nan trabou cu dedicacion, tempo y pasion pa brinda lo mihor pa pais Aruba. Sin lubida danki na cada famia pa nan aprecio, comprension y cu nan sosten na cada polis cu ta sirbi Pais Aruba.

ACCIDENTE CU HENDE HERIDA, CHAUFFEUR A PERDE CONTROL Y A BAY DAL RIBA UN PALO DI LUS BANDA DI LA GRANJA SAVANETA



Diadomingo atardi a drenta informe di un accidente cu hende herida banda di La Granja na Savaneta, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un chauffeur di un Hyundai cu a perde control y a bay dal riba un palo di lus y kibra esaki. Debi na e impacto e chauffeur a resulta herida na su cara. Ela dal su cabes kap su cara y aparentemente kibra su nanishi. Na yegada di e ambulans nan a atende e chauffeur y a bay cun'e direccion hospital.





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - August 18, 2025

 Sorteo # 4715 0469 1837 9803 MULTI-X X3 BIG 4 Sorteo # 4715 4679 MULTI-X X2 100% OFF Sorteo # 2771 4454 ZODIAC Sorteo # 4715 6155 Geminis LUCKY 3 Sorteo # 1589 567 MULTI-X FP	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 425.000,-	 Sorteo # 0 x Jackpot 0 x Match 4 0 x Afl. 8,00	Proximo Jackpot 56.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 525.000,-	 Afl. 775.000,-	 Sorteo #
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 425.000,-							
 Sorteo # 0 x Jackpot 0 x Match 4 0 x Afl. 8,00	Proximo Jackpot 56.000,-							
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 525.000,-							
 Afl. 775.000,-	 Sorteo #							

HOMBER DI EDAD TABATA CANA MANERA PERDI Y TABATA CAY A SER YUDA PA E HENDENAN DI MEIDA SUPERMARKET



Diadomingo atardi a drenta informe di cu tin un persona di edad cu lo a cay banda di caminda di

Ponton pa Oranjestad y e lo a cay alomenos 2 biaha y e ta herida, mesora a dirigi tanto polis como

ambulans dilanti di Meida Supermarket.


Na nan yegada nan a bin



compronde cu e hendenan di e supermercado mesora a sali bay yud'e y a bati alarma. E hendenan ey a yud'e p'e yega den fresco y a papia cun'e pa calm'e. E

personal di ambulans a nota cu e tin herida na su curpa y a atende polis a bisca manera pa sa unda e ta biba y polis a contacta su famia y a avisa nan di locual a pasa.

VARIOS PATRUYA A BAY PA PELEA DI PAREHA TURISTA CU DESTRUCCION DEN CAMBER DI HOTEL RIU PALACE



Diasabra a drenta informe di cu lo tin un pelea andando den un di e cambenan na Riu Palace, mesora a dirigi varios patruya den e direccion eynan. Na nan yegada a hibanan ariba na e piso unda e pelea lo

ta andando. Polis a nota cu tin varios cos kibra den e camber. Despues di cu polis a intermedia y a papia cu ambos nan a bay di acuerdo pa cubri e daño y nan a priminti cu esey lo no ripiti mas y e pareha a sera pas cu otro.



HOTLINE



744-0444

CAPT'E
Y MAND'E

POLISNAN DI BRIGADA MOTORISA A CAPTURA TRIO DEN AUTO CU BASTA DROGA



Diadomingo anochi oficialnan di e brigada motorisa a para un Hyundai Verna pa un control riba e "Green Corridor" poco mas pariba di e rotonde Mahuma, durante e control e oficialnan a haya e 3 personanan den e auto nervioso y a bay

controla mas profundo y a canta "BINGO" a haya nan cu basta droga den nan posesion y a detene tur 3. Mesora a detene tur 3 y a pidi pa e vehiculo di transporte di detenidonan pa buscanan. Polis di e unidad narcotico lo sigi cu e investigacion.

Clasificados



SOLODIPUEBLO@GMAIL.COM
CEL.585 9500




PIANISTA JORDY ZIEVINGER NA BUENOS AIRES

Tabata riba e pagina social di un di su amigonan cu nos a topa cu algo particular y bunita. Tabata durante di su vakantie na Argentina cu e hoben pianista y studiante di musica na Scol di Musica Rufo Wever, Jordy Zievinger di 16 aña a dicidi di comparti cu un publico grandi un tiki di su talento riba piano.

Hunto cu su famia e tabata di bishita na un di e bibliotecanan mas famoso na mundo cu ta “EL ATENEO” den centro di Buenos Aires. El Ateneo ta situa den un edificio teatral historico y ta declara pa National Geographic como e biblioteca mas bunita na mundo.

E reaccion di e publico tabata un hopi bunita como cu hopi bishitante a puntra su famia di unda e ta bini y a brind’e su aplauso mereci. Tambe por a mira con hendenan tabata filma su presentacion como recuerdo. Su spontanidad y talento a keda aprecia. Aruba ta isla di talento.

Cu e articulo aki, nos redaccion ta desea di felicita Jordy cu su presentacion y nos ta sigur cu e ta un bon ehempel pa tur hoben y cu su famia y tur amigo ta orguyoso di dje. Tur exito di mundo pa Jordy, ta nos deseo. Jordy ta studiante di Colegio Arubano.



Clasificados

SOLODIPUEBLO@GMAIL.COM
CEL.585 9500

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

FORTALEZA PA FAMIA

Scirbi pa Pastor Marcel Balootje.

MAYOR POR STIMA SU YIU, PERO MAYOR NO POR SALBA SU YIU



Salbacion ta bin solamente di Cristo Hesus , hende no por salba hende, salvacion ta personal, ta un decisicon cu cada persona mester tuma pa nan mes.

Pasobra si bo confesa cu bu boca, Hesus como Senjor, y kere den su curason, cu Dios a lante for di mortonan, lo bo ta salba.(Romanonan 10:9).

Pasobra cu curason hende ta kere pa hanja husticia, y cu boca e ta confesa pa hanja salvacion. (Romanonan 10:10).

Como mayor nos mester haci tur esfuerso pa lanta nos yuinan den Senjor. Nos yuinan ta corre un gran peliger ora nan no tin Cristo Hesus den nan bida, peligro cu nan ta kere den mentira di diabel y asina wordo hiba den caminda di scuridad y perdicion.

Juan 3:16 ta conta pa tur hende, pa nos hobennan tambe, asina un mucha cuminsa hanja tino, ta tempo

pa cuminsa guia e mucha den caminda di Senjor.

Prome cu sinja e mucha wak tv, hunga riba tablet, y weganan digital, pone alabansa den su camber, haci oracion cune y lesa bijbel pa e tende, pasobra nos ta bibando den tempo trabahoso, y no lubida , cu nos adversario e diabel ta cana manera un leon busacando ken e por devora.

Ta tristo pa un mayor mira con su yiu ta bay perdi, con e diabel ta horta e mucha su hubentud, con e ta horta su scol, horta su proposito den bida, e ta un dolor cu hopi mayor ta pasando den dje.

Pasobra pa medio di gracia boso a wordo salba, door di Fe. Y esey no di boso mes, e ta don di Dios. No como resultado di obranan , pa ni un hende no gaba.(Efesianan 2:8-9).

E necesidad di Cristo den bida di nos hobennan ta hopi notabel, hobennan kier haci tur cos, nan kier tin tur cos, e malbado ta para ey nan pa sinja nan maldad, trece mal influencia den nan bida, y cu malicia hasta aparta nan for di nan famia.

Como mayor nos mester demostra nos yuinan un testimonio real, e salvacion cu nos a ricibi di Cristo Hesus mester wordo biba den nos hogar, pa asina nos yiunan, por mira cu di berdad, nos no ta cu palabra so, pero cu hecho tambe.

Pasobra e palabra di Dios ta bisa den Romanonan 3:23: Pasobra tur a peca y ta falta e

gloria di Dios.

Pero tambe ta nos deber di sinja nos yuinan 1 Juan 1:9 cual ta bisa: Si nos confesa nos picanan, E ta fiel y husto pa pordona nos , nos picanan, y pa limpia nos di tur inhusticia.

Nos yuinan mester sa esaki tambe: Nos sa cu ni un hende cu ta naci di Dios no ta haci

pica,ma Esun cu a nace di Dios ta warde,y e malbado no ta mishi cune.

Ta di gran balor pa nos sinja nos yuinan, kico salvacion ta nifica pa nan bida, y e garantia cu nan tin di tin bida eterna, esaki no ta debi na religion, pero esaki ta e conviccion di salvacion, pasobra ta para scirbi esun cu kere lo ta salba, ma e

esun cu kere lo ta condena, pasobra e no a kere den e yiu unigenito di Dios.

Nos mester concientisa cos yuinan debidamente cu e palabra di Dios cual ta para scirbi den Juan 3:36 bisando; Esun cu kere den e Yiu tin bida eterno,ma esun cu no obedece e Yiu, lo no mira bida, ma e furia di Dios ta keda riba dje.

Gradicimento

Un danki na tur esnan cu a duna nos, como famia, attention, sosten y consuelo durante e tempo dificil di enfermedad, fayecimento, despedida y entierro di mi querida señora, mama, wela, bisabuela y ruman.



Jenny Croes-Màrquez

Nos ta aprecia tur cu a manda un mensahe via social media, cu a yama of a pasa bishita. Danki na esnan den exterior cu a yena e sala di despedida cu consuelo den forma di flor y krans.

Danki na un y tur cu a traha tempo y a hasi esfuerso pa bin condoleer, despedi y compañía nos den nos tristesa.

Un gradicimento special na mi yiunan cu a cuida nan mama, hunto cu e verpleegsternan y dokternan na cas.

Esposo
Ricardo Croes

UN BITTER
DI MAS...

POR
STROBA
BO DI
YEGA CAS.



BON NOTICIA

BO TA DEN E UNICO IGLESIA DI HESUS PA E REINO DI CIELO OF BO TA DEN UN SECTA CU HENDE A LANTA PA FIERNO?

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na

tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera of habri e unico portanan pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur e sectanan na mundo y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Iglesia: Bautismo Mateo 28: 19 – 20,

Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther, a inventa e teoria di e interpretacion liber di Bijbel. E interpretacion liberaki, a produci 36.000 diferente sectanan y oposicionnan na mundo.

Tur e sectanan aki, ta pretende di ta di Hesus. Durante tempo, hopi di nan a lanta nan mesun religionnan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida,

lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Husga pa bo mes. Nunca no ta laat pa compronde e berdad y pa comberti.

Scirbi pa Seferino Tromp
Un mensahero di Dios.



Oracion di dia

Un feliz dia yena di hopi fe y speransa den nos bon Dios

“...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. “...pa nan tambe confia den SEÑOR, no lubida Dios su obranan grandi...” (Sal 78, 7)
Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

BERGUENSA E CAYA CU NOMBER DI UN DI E AUTORNAN DI NOS HIMNO BANDONA SIN HACI LIMPI PA LUNAS!



Na Aruba tin hopi cayanan cu ta ser haci limpi casi tur dia, pero wak un caya aki bandona pa lunanan largo sin recoge sushi ni mantencion. Esaki si no por den centro di Oranjestad banda di Biblioteca!



Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554